

瑜伽師地論義演卷第三十五

素

覺山明教院妙門

卷

述

論卷第八十四 論攝異門分之下 論復次盟陀
至聚沫等爲後 演曰四釋欲等九門文中分二初
舉頌標列後長行解釋此初也欲三種者一無常二
虛僞三不實 論諸欲無常虛僞不實者 演曰後
長行解釋文中分九一釋欲二釋延請三釋法四釋
僧五釋惠施六釋狀七釋梵志八釋無常九釋聚沫
等初中分二初標牒經文後依標解釋此初也 論
謂於諸欲至顛倒事故 演曰後依標解釋文中分

二初摠釋後別釋此初也四種顛倒事者謂無常計
常無我計我無淨計淨無樂計樂此依標文次第釋
也然下別釋中逐文便故與前標文次第不同理亦
無違 論當知此中至顛倒事故 演曰後別釋文
中分二初略釋後廣釋此初也故者因由所以之義
此諸欲中計爲我者虛也何以故本は無我妄計爲
我故成虛也計爲淨者僞也何以故本是不淨妄計
爲淨故成僞也計爲樂者不實也何以故本是其苦
妄計爲樂故成不實然彼諸欲似常等現便計爲常
說名妄法顛倒事故以無常等計爲常等故成虛妄

及顛倒故 論云何諸欲名爲妄法 演日後廣釋
文中分四一依無常訶計欲爲常二依苦訶計欲爲
樂三依無我訶計欲爲我四依不淨訶計欲爲淨初
中分二初微後釋此初也 論爲顯此義至故同被
法 演日後釋爲顯此欲是無常義說幻事喻問既
說欲是非常等何故言諸欲似常等現答雖非常等
然欲似彼常等顯現故同彼法言似常等理實欲是
無常故計欲常名爲妄法 論誑惑愚夫至之所逼
觸 演曰二依苦訶計欲爲樂文中分二初明愚夫

被誑後辯智者了知此初也 論諸聰慧者至如實

知故 演曰後辯智者了知 論又彼諸欲至危亡

地故 演曰三依無我訶計欲爲我喻枯骨者如火

啗骨但血汚口終無飽時計欲爲我理亦如是 論

又不淨者是其揔句 演曰四依不淨訶計欲爲淨

文中分二初揔後別此初也 論言臭穢者至可惡

逆故 演曰後別如文易知 論復次應招至果無

量故 演曰二釋延請延謂招延即捨世財興供養

求果報也請謂奉請即請佛說法斷除貪愛求解脫

也餘文可解 論復次善說至而空過者 演曰三

釋法於中通教理行果四種之法如言文義巧妙是
教法現見等是理法無熱等是果法無時等亦是理
法諸有智者等是行法已下配屬四法准上可知由
身體故者由身觸證故非宜華詞等者非宜綺語華
詞說未曾有深妙之義也謂觀待道理者謂若因若
緣能生諸行及起隨說如是名爲觀待道理作用道
理者謂若因若緣能得諸法或能成辦或復生已作
諸業用如是名爲作用道理法今道理者謂如來出
世若不出世法性安住法住法界是名法今道理證
成道理者謂若因若緣能令所立所說所標義得成

立令正覺悟如是名爲證成道理 論復次言正行者謂是揔句 演曰四釋僧文中分五一釋正行二釋大師子三釋序等四釋善見五釋聖等初中分二初番釋後番釋初中分二初揔後別此初也 論應理行者至而思惟故 演曰後別 論又應理行至

瑜伽師地論義演卷第三十五 第三張

素字号

乃至廣說 演曰後番釋文中分二初正釋後指處此初也六堅法者即六和敬也永斷五支成就六支如三十四疏已陳更不繁說 論如是一切至我當廣說 演曰後指處 論又大師子者是其揔句

演曰二釋大師子文中分二初正釋後料簡初中分
三一揔二別三結此初也 論腹所生者至相似法
故 演曰二別 論如是諸句至法生圓滿 演曰
三結 論謂初句至法生圓滿 演曰後料簡遮器
過失者即遮凡器過失也 論又序者至名彼所生
演曰三釋序等文中分三一正釋二通妨三料簡此
初也 論雖因所生至爲彼依故 演曰二通妨
論又於此中後句釋前 演曰三料簡此中文意以
後句種類果釋前序緣以後句所生果釋前集因
論又善見者是其揔句 演曰四釋善見文中分三

一揔釋二別釋三料簡此初也 論言善知者至如
實知故 演曰二別釋 論由後二句至顯彼加行
演曰三料簡 論又言聖者至無退轉故 演曰五
釋聖等 論復次諸法至興盛事故 演曰五釋惠
施 論復次狀者至一切依滅 演曰六釋狀文中
分二初番釋後番釋初中分二初正釋後料簡此初
也 論前之二種至行於滅行 演曰後料簡前之
二種於有學位名爲加行後之一種在無學位盡無
生行名爲滅行 論又言狀者至普得解脫 演曰
後番釋於餘煩惱心得解脫者謂證無學智心慧無

礙名心得解脫也

論復次至是爲其相 演曰七

釋梵志文中分二初番釋後番釋初中分二初正釋
後料簡初中分三一標二釋三結此初也 論無猶

瑜伽師地論義演卷第三十五 第四張

素字号

豫等至名爲非有 演曰二釋有五句別一無猶豫

等二斷諸惡作三離諸貪愛四於有非有下合釋第

四有第五非有二句現在未來名有謂現有當有故

過去名非有謂漏已滅故 論由此諸句至婆羅

門相 演曰三結 論由前三句至觀察其相 演

曰後料簡文中分二初明前三句後明第四句此初

也 論或謂不正至觀察其相 演日後明第四句
文中分二初揔標其相後別釋著字此初也 論此
中著者至作極甘味 演日後別釋著字文中分二
初揔標列後別牒釋此初也揔於三處者即前三世
也謂於三世作極厚重作極甘味 論作愁憂者至
是可食用 演日後別牒釋 論復有差別至有隨
眠者 演日後畚釋文中分二初正釋後料簡初中
分二初揔標列後別牒釋此初也 論如是諸句至
四種雜染 演日後別牒釋於記所解疑惑斷故者
釋無猶豫等於所行中一切忘失法行斷故者釋斷

諸惡作於未來世苦因斷故現在苦因麤重斷故者
釋離諸貪愛所言有者下釋有言非有者下釋非有
所言著者下釋著謂此義中是貪瞋癡者出著體也
問所言有者於其三界所攝諸相作意起貪等著理
即可然言非有者於無相界作意思惟即是無漏心
如何無漏心中起貪等著耶答如入無相定諸有學
者雖斷現行貪等猶有隨眠非阿羅漢得有尋思等
四種雜染故非有中亦說著也所以名爲有非有著
言四種雜染者即是論中尋思爲一戲論爲二者爲
三想爲四名四種雜染也 論前二是出家至取諸

相故 演曰後料簡文中分二初番釋後番釋此初

瑜伽師地論義演卷第三十五第五

素

也諸出家者由追憶念曾所更境等者由追憶曾

所更竟家貪愛等事故有尋思等 論復有二種至

爲彼因緣 演曰後番釋 論復次所有至無四顛

倒 演曰八釋無常如聲聞地者二十七云於無常

隨觀入息我今能學無常隨觀入息於無常隨觀出

息我今能學無常隨觀出息於斷隨觀入息我今能

學斷隨觀入息於斷隨觀出息我今能學斷隨觀出

息於離欲隨觀入息我今能學離欲隨觀入息於離

欲隨觀出息我今能學離欲隨觀出息於滅隨觀入
息我今能學滅隨觀入息於滅隨觀出息我今能學
滅隨觀出息又無常力之所損害者前聲聞地三十
四卷觀內事有十五觀外事有十六觀內事十五中
第七他所損害論言云何尋思內事他所損害所作
變異無常之性謂由觀見或自或他他所損害其身
變異或由刀杖鞭革皮繩矛楯等壞或由種種蚊蟲
蛇蝎諸惡毒觸之所損害復於餘時見不變異見是
事已便作是念如是諸行其性無常乃至廣說者廣
說內外三十一事無常之性當知此中增一略文者

即此中說無常皆是苦等對前廣說名爲略文顯無
常等差別者如此中言若有無常衆同分者有生老
等謂由觀見或自或他從少年位乃至老位諸行相
續前後差別牙不相似見是事已便作是念如是諸
行其性無常何以故此內分位前後變異現可得故
障礙差別爲後者如彼論云雖於一切苦集二諦數
數深心厭離驚怖及於涅槃數數發起深心願樂然
猶未能深心趣入何以故以彼猶有能障現觀麤品
我慢隨入作意閒無閒轉乃至彼既如是斷能障礙

麤品我慢及於涅槃攝受增上意樂適悅便能捨離
後後觀心所有加行住無加行無分別心此障差別
最居於後名障礙差別爲後最初得者最初得聖果
故以初對後名爲下劣於上差別至而作證者由先
伏惑有差別故今斷惑得聖果時超證次第亦差別
也此說二法者即前慧定二法也 論復次色如聚
沫至猶如幻像 演曰九釋聚沫等住四識住一色
趣識住二受趣識住三想趣識住四行趣識住 論復
次已說至今當說 演曰後釋揔中黑品文中分二初結
前生後後依生正釋此初也 論盟柁南曰至少等

差別等

演日後依生正釋文中分二初以頌揔列

後長行別釋此初也

論所言生者至新衆同分

演日後長行別釋文分十一一釋生二釋老三釋死

四釋藏等五釋可欣等六釋煩惱七釋貪八釋瞋九

釋癡十釋少等十一釋異門等此初也等生者則是

胎藏身分圓滿仍未出胎與出生等名曰等生蘊得

者唯是現行界得者體即種子因緣性故處得者謂

根境二除前因緣取餘增上及所緣境二和生識名

處所言得者成就名也 論復次言躋至性衰變故

演曰二釋老偃

於禹反

者說文云偃也偃

力反

者廣雅

云曲也麤

於琰反

者說文云肉黑也腐

音父

者說文云爛

也論復次殞者至二三日

演曰三釋死餘心

趣在者謂壽煖二種上下俱捨餘有心趣在

論復

次一切至不能捨離

演曰四釋藏等

論復次可

欣至諸句差別

演曰五釋可欣等文中分二初釋

可欣等後釋可欲等初中分二初番釋後番釋此初

也論又可欣者至皆可愛故

演曰後番釋

論

瑜伽師地論義演卷第三十五第七張

素字号

又可欲者至貪處所欲

演曰後釋可欲等

論復

次於五至五趣向事

演曰六釋煩惱文中分三一

唯明煩惱差別功能二通惑及業皆名煩惱三指其
廣說如攝事分就初文中分三十六一釋五結二釋
自損三釋損他四釋俱損五釋能生現法罪六釋能
生後法罪七釋能生現法後法罪八釋三縛九釋煩
惱隨眠十釋隨煩惱十一釋纏十二釋株杌十三釋
垢十四釋你伽十五釋箭十六釋所有十七釋惡行
十八釋根十九釋漏二十釋匱二十一釋燒二十二
釋惱二十三釋暴流二十四釋輓二十五釋取二十
六釋繫二十七釋蓋二十八釋五下分結二十九釋
五上分結三十釋稠林三十一釋諍三十二釋黑三

十三釋無義三十四釋弊三十五釋有罪三十六釋
遠離初中分二初揔標列數後依標別釋此初也
論諸結所緣至而和合故 演曰後依標別釋文中
分五一釋所結事二釋能結事三釋罪過事四釋等
流事五釋趣向事此初也 論即彼諸結至名能結
事 演曰二釋能結事 論諸結因緣至名罪過事
演曰三釋罪過事 論爲當來世至名等流事 演
曰四釋等流事 論能生五趣至名趣向事 演曰
五釋趣向事 論由此因緣至略有九結 演曰二
釋自損三釋損他四釋俱損五釋能生現法罪六釋

能生後法罪七釋能生現法後法罪六段文合也九
結者如前第八論及三十四疏說 論又約不隨至
謂貪瞋癡 演曰八釋三縛文中分二初明三縛後
釋縛義此初明三縛者一貪縛二瞋縛三癡縛 論
依三受故至故名爲縛 演曰後釋縛義依主受故

瑜伽師地論義疏卷第三十五 第八張

素字號

者謂依樂受故貪縛隨增依苦受故瞋縛隨增依捨
受故癡縛隨增所緣相應俱隨增故雖依捨受亦有
貪瞋非如癡故由彼因緣雖欲脫彼而不能脫故名
爲縛 論又煩惱品至但有七種 演曰九釋煩惱

隨眠取其根本但有七種者一欲貪隨眠二瞋恚隨眠
三有貪隨眠四慢隨眠五無明隨眠六見隨眠七疑隨
眠如前第八論說 論又從煩惱至皆隨煩惱 演
曰十釋隨煩惱 論又現起相至謂無慚等 演曰
十一釋纏纏有八種者一無慙二無愧三惛沉四睡
眠五掉舉六惡作七嫉妬八慳慳如第八論及八十
九說 論又彼能令至說爲株杌 演曰十二釋株
杌文中分三一法二喻三合此初也對法第七云株
杌有三謂貪瞋癡由依止貪瞋癡先所串習爲方便
故成貪等行心不調順無所堪能難可解脫令諸衆

生難斷此行故名株杌 論如易鹵田至說五心株

演曰二喻易鹵者鹹鹵土也五心株者一貪二瞋三

癡四惛沉五疑 論貪等別故說有三種 演曰三

合 論又彼能令至名應遠離 演曰十三釋垢十

四釋你伽十五釋箭十六釋所有十七釋惡行十八

釋根十九釋漏二十釋匱二十一釋燒二十二釋惱

二十三釋暴流二十四釋軛二十五釋取二十六釋

繫二十七釋蓋二十八釋五下分結二十九釋五上

分結三十釋稠林三十一釋諍三十二釋黑三十三

釋無義三十四釋弊三十五釋有罪三十六釋遠離

如第八論及八十九對法第七具明梵語你伽此云
常流注亦名常害第八論云常能爲害故名爲常害
論毀犯所受至名突尸羅 演曰二釋通惑及業皆

項伽問地論義演卷第三十五第九張

素字号

名煩惱文中分二初番釋後番釋初中分七一釋突
尸羅二釋惡法三釋內朽敗四釋下產生五釋水生
蝸螺六釋螺音狗行七釋妄稱沙門此初也見云突
者是惡慈恩云尸羅梵語此曰清涼行惡之人惡於
清涼名惡尸羅非尸羅惡名惡尸羅古人解云尸羅
戒義惡尸羅者即是惡戒由此難言防非以解戒有

或不防非造作以解思有思非造作今釋不然不善
解名故有此難應如前釋難今解云惡體非尸羅惡
於尸羅名惡尸羅亦應惡體非是見惡於見故名惡
見此難不齊推求以解見善惡並推求清涼是尸羅
尸羅非惡體 論又惡法者至乃至廣說 演曰二
釋惡法 論當知此中至虛無有實 演曰三釋內
朽敗 論下產生者至法門中說 演曰四釋下產
生謂無七聖上妙法財但有三毒下資產業名下產
生 論水生蝸螺至應遠離故 演曰五釋水生蝸
螺 論螺音狗行至最第一故 演曰六釋螺音狗

行譬如其狗吠聲清直似於螺音而行狗行苾芻亦
尔發言清直似於螺音而行穢行如於狗行年雨者
臘優也 論實非沙門至真沙門故 演曰七釋妄
稱沙門文中分二初番釋後番釋初中分二初釋妄
稱沙門後釋妄稱梵行此初也 論非梵行者至妄
稱梵行 演曰後釋妄稱梵行 論實非沙門至妄
稱沙門 演曰後番釋 論又捨所受至沙門梵行
演曰後番釋文中分七一釋突尸羅二釋惡法三釋
內朽敗四釋下產五釋水生蝸螺六釋螺音狗行七
釋妄稱沙門梵行七段文合也此中說突是捨義

論又有貪瞋至我當廣說 演日三指其廣說如攝

瑜伽師地論義演卷第三十五第十張 素字号

事分 論復次染者至成地已說 演日七正釋貪

異名兼釋瞋癡 論復次言內垢至其義應知 演

日八正釋瞋異名兼釋貪癡 論復次在前至如聲

聞地 演日九正釋癡異名兼釋貪瞋及有對分者

謂即黑白相對名有對分 論復次少者至言說量

故 演日十釋少等 論復次或異門至相差別故

演日十一釋異門等 論如是名爲至顯示安立

演日三結歸本名

論卷第八十五 論攝事分中契經事行擇攝第一
之一 演曰自下第五有十六卷名攝事分略攝三
藏衆要事義言中者謂此分具明三藏且辯契經簡
餘二藏故名中也契經有四擇行擇爲首故稱第一
行擇有四卷此卷居初故云之一 論如是已說至
云何攝事 演曰明此分中有二一結前問後二依
問爲通此初也 論謂由三處至摩哩理迦事 演
曰二依問爲通文中分二初標列三藏後依標別釋此
初也 論云何素咀纜事 演曰後依標別釋文中
分三一釋素咀纜事二釋毗柰耶事三釋摩咀理迦

事初中分二初徵後釋此初也 論謂由二十至久
住契經 演日後釋分二初明所釋之經後辯能釋
之論初中分二初揔標列數後依標別釋此初也
論別解脫契經至精勤修學 演日後依標別釋文
中分二初別釋四經後揔結勸知初中分四一釋別
解脫契經二釋事契經三釋聲聞相應契經四釋大
乘相應契經此初也五犯聚即五篇如二十八疏已
陳說過一百五十學處如三十四疏具說更不再述
論事契經者謂四阿笈摩 演日二釋事契經文中

分四一標二列三釋四結此初也 論一者雜阿至
增一阿笈摩 演曰二列 論雜阿笈摩至增一阿笈
摩 演曰三釋文中分四一雜阿笈摩二中阿笈摩
三長阿笈摩四增一阿笈摩四段文合也又依八衆
者第三論云一刹帝利衆二婆羅門衆三長者衆四
沙門衆五四大天王衆六三十三天衆七摩天衆八
梵天衆 論如是四種至是名事契經 演曰四結
師弟展轉傳來者梵語阿笈摩此云傳即師及弟子
展轉傳來乃至於今由此道理是故說名阿笈摩
論於十二分至如前應知 演曰三釋聲聞相應契

經四釋大乘相應契經二文合也此說小乘有十二
大乘唯方廣理實大小各有十二具不具義此分別
義如前應知者如三十八等說更不重述 論如是
四種至當知其相 演曰後摠結勸知結前四經例
餘二十種當知其相 論從是已後至摩呬理迦
演曰後辯能釋之論文中分三一辯其來意二正申
解釋三結勸覺了初中分三一標二釋三結此初也
論爲欲決擇至先聖契經 演曰二釋分三一法二
喻三合此初也 論譬如無本母字義我不明了 演
曰二喻涅槃經第八云是十四音名曰字本以十四

音是字本母廣如第二疏說 論如是本母至義即
明了 演曰三合 論是故說名摩呬理迦 演曰
三結 論惣喩陀南至無厭少欲住 演曰二正中
解釋文中分四一釋行擇二釋處擇三釋緣起食諦
界擇四釋菩提分法擇初中分二初舉惣頌後舉別
頌此初也言惣頌者謂惣標綱要有十一門一界門
二略教門三想行門四速通門五因門六斷支門七
二品門八智事門九諍門十無厭門十一少欲住門
論別喩陀南至及染淨 演曰後舉別頌文中分

爲十一段一有一頌釋惣中第一界門二有一頌釋
惣中第二略教門三有一頌釋惣中第三想行門四
有一頌釋惣中第四速通門五有一頌半釋惣中第
五因門六有一頌釋惣中第六斷支門七有一頌釋
惣中第七二品門八有一頌釋惣中第八智事門九
有一頌釋惣中第九諍門十有一頌釋惣中第十無
厭門十一有一頌釋惣中第十一少欲住門初中分
二初以頌惣列後長行別釋此初也 論有四種所
至所集成界 演日後長行別釋文分十一一釋界
二釋脫三釋前行四釋觀察五釋果六釋愚相七釋

無常等定八釋界九釋二種漸次十釋非斷非常十
一釋染淨初中分二初釋所治四種之界後釋能治
四種之道初中分三一標二徵三釋此初也 論何
等爲四 演曰二徵 論謂於先有至所集成界
演曰三釋文中分二初正釋常見後例釋餘見此初
也謂於先有等者簡異於今有等也於今者簡異於
先也謂於先有等執我身是常不從因生乃至於今
身由彼先有等爲因由彼先有等爲緣數習邪解脫
見所熏集種子成界 論如說由常見至廣說亦尔
演曰後例釋餘見 論此中世尊至諸煩惱故 演

曰後釋能治四種之道文中分二初明教興之意後辯
能治之道此初也 論爲初邪界至勝解界故 演
曰後辯能治之道文中分四一治常見道二治斷見
道三治現法涅槃見道四治薩迦耶見道此初也
論爲隨第二至勝解界故 演曰二治斷見道 論

瑜伽師地論義演卷第三十五第三

素

爲隨第三至勝解界故 演曰三治現法涅槃見道
論爲隨第四至勝解界故 演曰四治薩迦耶見道
若離蘊計我說諸行空門爲能治道若即蘊計我說
無我門爲能治道 論復次善說至內所證故 演

曰二釋脫文中分二初揔標列數後依標別釋此初也論云何真實究竟解脫演曰後依標別釋文中分三釋真實究竟解脫二釋彼方便三釋彼自內所證初中分二初徵後釋此初也論謂畢竟至所應作故演曰後釋分二初番釋後番釋此初也論又解脫有三至具足二種演曰後番釋論云何方便演曰二釋彼方便文中分二初徵後釋此初也論謂於諸行至心善解脫演曰後釋論云何自內所證演曰三釋彼自內所證文中分二初徵後釋此初也論當知有四種相演曰後釋

分三一標二釋三結此初也 論若於有學至無退

轉道 演曰二釋分二初釋有學後釋無學此初也

謂我已盡至所生諸行者謂我生已盡也又我已住

至無退轉道者謂梵行已立也 論若於無學至如

實記別 演曰後釋無學謂我已作至所應學事者

謂所作已辦也 論如是名爲自內所證 演曰三

結 論復次即彼至道果前行法 演曰三釋前行

文中分二初摠標列後別牒釋此初也 論見前行

法至出世正見 演曰後別牒釋文中分二初釋見

前行後釋道果前行此初也見前行法者即見道前

方便名見前行法也 論道果前行至諸煩惱故
演日後釋道果前行修道是道之果此果方便名果
前行或同時等者或能引道與所引道同時生或能

瑜伽師地論義演卷第三十五第廿四

素

引道滅後所引道方生故云或同時生或後時生
論復次爲欲至修道觀察 演日四釋觀察文中分
二初揔標列數後依標別釋此初也應觀察八事者
一愛味二過患三出離四聞五思惟六思擇七見道
八修道 論於諸行中至心得解脫 演日後依標別
釋文中有八一愛味二過患三出離四聞五思惟六

思擇七見道八修道此八合爲二門初三明所觀察
後五辯能觀察初中分二初別釋前三後總結爲一
此初也 論是名一門觀察差別 演日後總結爲
一即總結前三爲一所觀察門也 論又修行者至
心得解脫 演日後五辯能觀察如文可知 論復次
有二至及苦滅果 演日五釋果文中分二初摠標
二果後依標別釋此初也 論一者見所斷至永不
復轉 演日後依標別釋文中分二初釋惑斷果後
釋苦滅果此初也第二有等永不復轉者即有餘依
涅槃也 論復有二種至勤修觀行 演日後釋苦滅

果有五番釋此苦滅果即無餘依涅槃也心苦滅即
意識相應苦滅身苦滅即五識相應苦滅壞苦及苦
苦同名事苦故合爲一行苦唯是理苦故獨爲一
論復次至愚夫之相 演曰六釋愚相文中分四一
標二徵三列四釋此初也 論何等爲二 演曰二徵
論一者至而反生起 演曰三列 論何等名爲是
所應求 演曰四釋文中分二初釋於所應求不如
實知後釋非所應求而反生起初中分二初徵後釋
此初也 論所謂涅槃諸行永滅 演曰二釋分二初
釋於所應求後釋不如實知此初也 論而諸愚夫

至不如實知 演曰後釋不如實知 論何等名為

瑜伽師地論義演卷第三十五第十五

素

至而反生起 演曰後釋非所應求而反生起文中
分三一徵二釋三結此初也 論非所求者至不得
解脫 演曰二釋 論如是至而反生起 演曰三
結 論復次至無我決定 演曰七釋無常等定文
中分三一摠標列數二依標別釋三指廣如前此初
也 論云何諸行無常決定 演曰二依標別釋文
中分三第一番釋第二番釋第三番釋初中分四一
釋無常決定二釋苦性決定三釋空性決定四釋無

我決定初中分三一徵二釋三結此初也 論由三種相至何況現在 演曰二釋 論是名諸行無常決定 演曰三結 論云何諸行苦性決定 演曰二釋苦性決定文中分三一徵二釋三結此初也

論謂去來諸行至是現前苦 演曰二釋 論是名諸行苦性決定 演曰三結 論云何諸行空性決定 演曰三釋空性決定文中分三一徵二釋三結此初也 論謂去來諸行至由此故空 演曰二釋 論是名諸行空性決定 演曰三結 論云何諸行無我決定 演曰四釋無我決定文中分三一徵二

釋三結此初也 論謂去來諸行至正現前故 演
曰二釋 論是名諸行無我決定 演曰三結 論
又由二相至滅壞法故 演曰第二番釋文中分四
一釋無常決定二釋苦性決定三釋空性決定四釋
無我決定此初也 論又由二相至如前應知 演
曰二釋苦性決定 論又由二相至皆悉空故 演
曰三釋空性決定 論又由二相至不自在故 演
曰四釋無我決定 論復由十相至異相相故 演
曰第三番釋言十相者一變異行二滅壞行三別離

行四法性行五合會行六結縛行七不可愛行八不安隱行九無所得行十不自在行以其十行攝於四行謂無常行五行所攝一變異行二滅壞行三別離行四法性行五合會行苦行三行所攝一結縛行二不可愛行三不安隱行空行一行所攝謂無所得行無我行一行所攝謂不自在行如前三十四論已廣具陳故於此中更不繁說 論如是等相至已廣分別 演曰三指廣如前如聲聞地三十四已廣分別也 論復次至依涅槃界 演曰八釋界文中分二初揔標列數後依標別釋此初也 論謂見道所斷

至依涅槃界

演曰後依標別釋文中分三第一番

釋第二番釋第三番釋此初也論即此五界至亦

名涅槃

演曰第二番釋

論又於斷界至諸行修

滅演曰第三番釋

論復次至智果漸次

演曰

九釋二種漸次文中分二一摠標列二別徵釋此初

也

論云何智漸次

演曰二別徵釋文中分二一

釋智漸次二釋智果漸次初中分三一徵二釋三結

此初也

論謂於諸行至生後苦智

演曰二釋文

中分二依先無常智生後苦智二依先苦智生後

無我智此初也

論又彼諸行至生後無我智

演

日二依先苦智生後無我智 論如是無常至名智
漸次 演曰三結 論云何智果漸次 演曰二釋
智果漸次文中分二二釋狀離欲等二釋四種邪執
初中分三一徵二釋三結此初也 論謂狀離欲解
脫遍解脫 演曰二釋分二一標二釋此初也 論
云何狀至第一差別 演曰二釋分二二釋狀離欲
等二釋遍解脫初中分二二釋狀離欲解脫第一差
別二釋狀離欲解脫第二差別此初也 論復有差
別至第二差別 演曰二釋狀離欲解脫第二差別

論云何遍解至名遍解脫 演曰二釋遍解脫 論
如是由智至智果漸次 演曰三結 論此中復有
四種邪執 演曰二釋四種邪執文中分五一標二
徵三列四釋五結此初也 論何等爲四 演曰二
徵 論一見邪執至他教邪執 演曰三列 論見
邪執者至我慢行轉 演曰四釋文中分二一單釋
四種邪執二重釋自內邪執此初也 論又於內起
至他教邪執 演曰二重釋自內邪執 論如是一
切至是名智果 演曰五結 論復次由三至非斷
非常 演曰十釋非斷非常文中分二一約三世辯

二依四緣明初中分四一標二徵三列四釋此初也
論何等爲三 演日二徵 論一以無住至因性滅故
演日三列一以無住者即是過去世二生已者即是
現在世三未來者即是未來世 論此中諸行至諸
行非斷 演日四釋 論復有四緣至展轉流轉
演日二依四緣明文中分四一標二徵三列四釋此
初也 論何等爲四 演日二徵 論一因緣至四增
上緣 演日三列 論即此四緣至增上緣攝 演
日四釋 論復次由三至雜染清淨 演日十一釋
染淨文中分三一釋三事二相二釋三種有情三釋

三種世間初中分二一揔標舉數二依標別釋此初也
論云何由三至雜染清淨 演曰二依標別釋
文中分二一釋三事二釋二相初中分三一徵二釋
三結此初也 論一者於諸至爲出離故 演曰二
釋 論如是一切至雜染清淨 演曰三結三事雖

瑜伽師地論義演卷第三十五第十八

素

別揔略爲一觀察染淨也 論云何由二至雜染清
淨 演曰二釋二相文中分三一徵二列三釋此初
也 論一者由如至所有性故 演曰二列 論如
所有性至所有出離 演曰三釋文中分二一揔釋

如盡二性二別釋如所有性此初也 論此中觀察
至所有愛味 演曰二別釋如有所性有四番釋此
初番也此有二相一觀諸行生樂生喜二觀愛味極
爲狹小謂愛味爲因過患是果因相過輕故云狹小
果相過重故云廣大如是已下總結二相 論又觀
察至所謂過患 演曰第二番釋此有二相一觀諸
行是無常苦二觀過患極爲廣大對於狹小名爲廣
大義如前釋如是已下總結二相 論又復觀察至
謂出離 演曰第三番釋此有二相一觀諸行欲貪
滅斷出名出離二觀出離寂靜無上畢竟安隱如是

已下摠結二相 論又即此愛至過患出離 演曰

第四番釋

論又爲了知至離繫衆

演曰二釋三

種有情一於諸欲染著衆者謂觀愛味而生染著二
於諸欲遠離衆者謂觀過患而生遠離三於諸欲離
繫衆者謂觀出離而離繫縛 論於此三處至若諸

天人 演曰三釋三種世間文中分三一法二喻三

合初中分二二釋三種世間二釋二道四脫此初也

魔王於欲界中得自在故名欲自在梵王離欲染

故名淨自在

論又於此三至多修習住

演曰二

釋二道四脫文中分二二釋二道二釋四脫此初也

論又此二種至心解脫果 演曰二釋四脫文中分
三一揔標舉數二依標別釋三料簡因果此初也
論一貪瞋縛至解脫相 演曰二依標別釋 論此

瑜伽師地論義演卷第三十五第十九張

素字号

中前三至諸苦解脫 演曰三料簡因果 論於義
中至無欲逃避 演曰二喻文中分二舉五喻二
舉四喻初中分二別喻二揔結此初也此有五喻一
譬如有人處在囹圄謂種種縛之所繫縛所謂或木
者喻貪或索者喻瞋或鐵者喻癡二又置餘人令其
防守喻不正尋思及未永拔煩惱隨眠三或設有彼

至還執將來喻煩惱隨眠未永拔故雖世間道方便
逃避遠至有頂復執將還四或有尚不令彼轉動況
得逃避喻不正尋思故尚不令動況得離欲而遠逃
避五或有安置至無欲逃避喻可愛妙欲辟之九結
由彼結故令於生死自然樂著於自繫縛不欲解脫
論如是彼人至繫之所繫 演曰二摠結爲一切種
縛之所縛結第一喻爲善方便守之所守結第二喻
爲最堅牢繫之所繫結後三喻 論復爲怨家至或
摠斷命 演曰二舉四喻文中分二二別喻二摠結
此初也此有四喻一所謂打拍喻蘊魔二或復解割

喻死魔三或加杖捶喻天魔四或摠斷命喻煩惱
魔論若有能脫至而得解脫 演曰二摠結 論
如是於彼至不欲解脫 演曰三合文中分二合
五喻二合四喻初中分二別合二摠結此初也此
合有五一於彼三處至貪瞋癡縛合第一喻二其守
禁者至煩惱隨眠合第二喻三不正尋思至而遠逃
避合第四喻四煩惱隨眠至復執將還合第三喻五
可愛妙欲至不欲解脫合第五喻 論彼既如是至
之所密縛 演曰二摠結爲種種縛極所密縛結第
一合善方便縛之所密縛結第二合最堅牢縛之所

密縛結後三合 論復四魔怨至而加害之 演曰二

瑜伽師地論義演卷第三十五第二十張

素字号

合四喻文中分二二別合二摠結此初也此合有四
一五蘊魔合第一喻乃至四煩惱魔合第四喻如前
已釋 論若能從彼至而得解脫 演曰二摠結 論
復次盟枕至三圓滿 演曰二有一頌釋摠中第二
略教門文中分二二以頌摠列二長行別釋此初也
論由三因緣至請略教授 演曰二長行別釋文中
分爲十一段一釋略教二釋教果三釋終四釋墮數
五釋三遍智斷六釋縛七釋解脫八釋見慢雜染九

釋淨說句十釋速離四具十一釋三圓滿初中分三
一標二徵三釋此初也 論何等爲三 演曰二徵
論謂唯多聞至究竟欲故 演曰三釋文中分三二
釋第一因二釋第二因三釋第三因此初也 論又
有怖畏至何況解脫 演曰二釋第二因 論又於
如是至請略教授 演曰三釋第三因 論復次當
知至自義果得 演曰二釋教果文中分三一標二
釋三結此初也 論謂爲此出家至捨取具足 演
曰二釋有四一依形相同佛得無上士等即無上得
名形相具足二依持戒等事業得通定等現法即現

法得名事業具足三依順決擇不可屈伏意樂自然
得聖即自然得名意樂具足四依捨染取淨內證具
理即內證得名處捨取具足 論依此故得至內證
得 演曰三結 論復次有六至不同分死 演曰
三釋終文中分二一釋六種死二釋二種相初中分
二一揔標列二別牒釋此初也 論過去死者至根
滅故死 演曰二別牒釋文中分六一釋過去死二
釋現在死三釋不調伏死四釋調伏死五釋同分死
六釋不同分死此初也 論現在死者至根滅故死

演曰二釋現在死 論不調伏死至大縛所縛 演
曰三釋不調伏死 論調伏死者至貪等大縛 演
曰四釋調伏死 論同分死者至同分諸行 演曰
五釋同分死六釋不同分死二文合說 論又此六
種至勝利相 演曰二釋二種相文中分二一揔標
列數二依標別釋此初也 論若於過去至過患相
演曰二依標別釋文中分二一釋諸行流轉過患相
二釋諸行還滅勝利相此初也 論若於現在至勝
利相 演曰二釋諸行還滅勝利相 論復次由八
至士夫數中 演曰四釋隨數文中分三一揔標舉

數二依標別釋三指如前說此初也 論謂如是名
至壽量邊際 演曰二依標別釋 論如是諸相至
已廣分別 演曰三指如前說如前第四十四卷末
說也 論復次由三至遍智及斷 演曰五釋三遍
智斷文中分四一標二徵三列四釋此初也 論何
等爲三 演曰二徵 論一於內遍至隨其所應
演曰三列 論所謂諸行至遍智及斷 演曰四釋
文中分三一釋三種相義二釋得智斷名三釋立智
之意此初也一於內遍智及斷都無有我二於外遍
智及斷無有我亦無有餘牙相繫屬三於內外遍

智及斷都無有我無有我所亦無有餘牙相繫屬
論此中由法住至得畢竟斷 演曰二釋得智斷名
論當知此中至說正法要 演曰三釋立智之意文
中分二二釋未得遍智二釋已得遍智此初也 論
若於諸行至復加勸導 演曰二釋已得遍智 論
復次於生至有三種縛 演曰六釋縛文中分四一
揔標舉數二略釋縛義三徵數列名四釋三縛義此
初也 論由此縛故至非由惡說 演曰二略釋縛義
論何等爲三至後有諸行 演曰三徵數列名 論

於此三縛至由微細故 演曰四釋三縛義文中分

二一約三因釋二約五相釋此初也 論復由五相

至因果故 演曰二約五相釋文中分二一摠標列

數二依標別釋此初也 論當知此中至爲所緣境

演曰二依標別釋文中分四一釋我見二釋助伴三

釋自性四釋因果初中分二一略釋二廣釋此初也

論此中非有至唯有一種 演曰二廣釋文中有三

一釋非有二釋是有三摠結數此初也 論有爲所

緣乃有五種 演曰二釋是有文中分二一摠標舉

數二依標別釋此初也 論謂我當有至非無想

演日二依標別釋 論如是一切至所緣境界 演
日三摠結數 論言助伴者謂動亂心 演日二釋
助伴 論言自性者至戲論性故 演日三釋自性
論因果性者至愛隨逐故 演日四釋因果 論復
次由三至心善解脫 演日七釋解脫文中分二一
釋三相二釋二性初中分二一標二釋此初也 論
謂於諸行至離愛住故 演日二釋 論又於此中
至謂無常等 演日二釋二性文中分二一釋如所
有性二釋盡所有性此初也 論由十一行至如前
廣說 演日二釋盡所有性 論復次有二至五種

因相 演曰八釋見慢雜染文中分二一釋二種五
種雜染并五種因相二釋四種有情衆中安立雜染
初中分二一摠標舉數二依標別釋此初也 論如是
二種至已知已斷 演曰二依標別釋文中分三一釋二
種雜染二釋五種雜染三攝五歸二因初中分三二

瑜伽師地論義演卷第三十五第廿三

素

標二徵三釋此初也 論何等爲二 演曰二徵
論謂見雜染及慢雜染 演曰三釋 論此二當知
至隨眠故 演曰二釋五種雜染文中分四一標二
徵三列四釋此初也行有其三一我二我所三我慢

此三現起執著名纏三之種子名為隨眠 論何等
為五演曰二徵 論一者計我至五者隨眠 演
曰三列 論當知此中至說名隨眠 演曰四釋文
中今二初番釋後番釋此初也 論又有識身至隨
眠因相 演曰後番釋 論即此因相至因緣因相
演曰三攝五歸二因文中分二一標二釋此初也
論計我我慢至因緣因相 演曰二釋 論復次有
四至安立雜染 演曰二釋四種有情衆中安立雜
染文中分二初番釋後番釋初中分四一標二徵三
列四釋此初也 論何等為四 演曰二徵 論一

者外道至無學有情衆 演曰三列 論外道有情

至皆不可得 演曰四釋外道有情衆中具有一切

者謂具有計我等一切雜染此法異生有情衆中於

五雜染但除執著餘四可及彼五種因相中餘四

全執著一分然執著現果不可得故 論又外道有

情至我如實見 演曰後番釋 論復次有八種清

淨說句 演曰九釋淨說句中分四一標二徵三

釋四結此初也 論何等爲八 演曰二徵 論謂

由超過至已作苦邊 演曰三釋有八一起過見慢

一斷彼因相三斷彼執著四斷彼隨眠五已割貪愛

六及轉三結七止慢現觀謂無學慢盡故云止慢八
已作苦邊論如是一切至清淨說句 演曰四結
論復次由四至名善具足 演曰十釋遠四具文中

瑜伽師地論義演義卷第三十五第廿四

素字

分四一標二徵三列四釋此初也

論何等爲四

演曰二徵

論一者無第二至其心遠離

演曰三

列無第二住者謂捨離伴也處邊際卧具者即阿練

若處山林曠野名邊際卧具如前二十五說 論謂

於居家至無有失壞 演曰四釋此但逐難釋前四

中第四心遠離有三番釋如文易知 論復次於善

至有三圓滿 演曰十一釋三圓滿文中分四一標
二徵三列四釋此初也 論何等爲三 演曰二徵
論一行圓滿至三師圓滿 演曰三列 論行圓滿
者至名行圓滿 演曰四釋文中分三一釋行圓滿
二釋果圓滿三釋師圓滿此初也 論果圓滿者至
名果圓滿 演曰二釋果圓滿 論師圓滿者至而
宣說故 演曰三釋師圓滿

論卷第八十六

論攝事分中契經事行擇攝第一之二
論復次喩於至三後廣 演曰三有一頌釋揔中第

三想行門文中分二一以頌揔列二長行別釋此初也 論於諸行中至行有五種 演曰二長行別釋文中分十一釋想行二釋愚相三釋眼四釋勝利五釋九智六釋無癡七釋勝進八釋我見差別九釋三相行十釋法揔等品三後廣初中分三一標二列三釋此初也 論謂由無常至壞法性故 演曰二列論此中剎那至故變壞法 演曰三釋 論復次愚夫至愚夫之相 演曰二釋愚相文中分三一標二徵三釋此初也 論何等爲三 演曰二徵 論謂諸愚夫至廣談亦尔 演曰三釋文中分二一釋愚相

二釋智相此初也 論與此相違至智者之相 演

瑜伽師地論義演卷第三十五 第五

素

日二釋智相翻前三種愚相可知 論復次由二至
慧眼清淨 演日三釋眼文中分二一標二釋此初
也 論謂由遠塵及離垢故 演日二釋分二一初
二別此初也 論由見所斷至說名離垢 演日二
別有二初番釋後番釋此初也 論又現觀時至說
名離垢 演日復番釋 論復次遠離至十種勝利
演日四釋勝利文中分三二標二徵三釋此初也
論何等爲十 演日二徵 論一者於四至第一義

故 演日三釋

論復次有九至遍知超越

演日

五釋九智文中分四一標二列三釋四結此初也

論謂諸行流至滅智道智

演日二列

論此中諸

行至如實了知

演日三釋文中分三一釋九智二

釋遍知三釋超越此初也

論又若於前至方能遍

知 演日二釋遍知

論若於諦理至乃能超越

演日三釋超越

論是故說言至遍知超越

演日

四結

論復次修觀至無愚癡住

演日六釋無癡

文中分二一正釋無癡隨在明數二反顯有癡墮無

明數初中分四一標二徵三釋四結此初也

論何等

爲三 演曰二徵 論一於過去至生滅法性 演
曰三釋 論彼由如是至墮在明數 演曰四結
論與此相連至墮無明數 演曰二反顯有癡墮無
明數文中分三一顯癡墮無明二釋三毒異名三釋
喜貪差別此初也 論復有三種至煩惱品中 演
曰二釋三毒異名文中分二二正釋異名二指如前
說初中分三一標二列三釋此初也 論一貪異名
至三癡異名 演曰二列 論貪異名者至亦名爲
渴 演曰三釋文中分三一釋貪異名二釋瞋異名

三釋癡異名此初也 論瞋異名者至名生歎勃

演曰二釋瞋異名 論癡異名者至亦名黑闇 演

曰三釋癡異名 論如是等名至多分已辯 演曰

二指如前辯 論喜貪差別至榮利名貪 演曰三

釋喜貪差別有六番釋如文可知 論復次於諸至

有四勝進 演曰七釋勝進文中分二一釋四勝進

二釋三勝進想初中分三一標二列三釋此初也

論謂勝進想至未證爲證 演曰二列分二二列前

三勝進二列第四勝進此初也 論若爲獲得至第

四勝進 演曰二列第四勝進 論最初能得至未

得爲得 演曰三釋分四一釋未得爲得二釋未會
爲會三釋未證爲證四釋得現法樂住此初也 論
即此爲依至未會爲會 演曰二釋未會爲會 論
即此爲依至未證爲證 演曰三釋未證爲證 論
若已證得至正勤修習 演曰四釋得現法樂住
論又依自義有三勝進想 演曰二釋三勝進想
文中分三二標二列三釋此初也 論謂於諸行至
實義想 演曰二列 論狀背想者復有四行 演
曰三釋文中分二一正釋二料簡初中分三二釋狀
背想二釋過患想三釋實義想初中分四二標二列

三釋四結此初也 論謂於諸行至如箭前障害 演
日二列 論如病者至修厭背想 演日三釋 論如
是名爲至修厭背想 演日四結 論過患想者至
及思惟苦 演日二釋過患想 論實義想者至及
無我性 演日三釋實義想 論此中先於至後說
其因 演日二料簡 論復次有四至能生我慢
演日八釋我見差別文中分二二摠二列初中分二
一標二釋此初也 論一有分別至他身所起 演
日二釋 論分別我見至生我慢者 演日二別文

瑜伽師地論義演卷第三十五 第七張

素

中分五一釋分別我見爲依生我慢二釋俱生我見
爲緣生我慢三唯依善說法律方能永斷四推恩在
於如來及諸弟子五明報如來等恩有二差別初中
分二一標二釋此初也 論謂由此見至發生慢我
演曰二釋文中分二初番釋後番釋初中今三二法
二喻三合此初也 論辟如清淨至劣中勝想 演
曰二喻鏡喻其心質喻自我影喻他我 論如是由
邪至發生影像 演曰三合 論又此爲緣至或等
或劣 演曰後番釋 論俱生我見至生我慢者
演曰二釋俱生我見爲緣生我慢文中分二一標二

釋此初也 論當知譬喻與前差別 演曰二釋文中分三一顯喻異前二正申其喻三指如前說此初也 論如明眼人至自觀眼耳 演曰二正申其喻水非如鏡人工所造故喻俱生 論所餘如前應知其相 演曰三指如前說此俱生中法說及合與前分別中同更不繫說故論指云如前應知 論此一切種至非餘邪教 演曰三唯依善說法律方能永斷 論如是如來至有大恩德 演曰四推恩在於如來及諸弟子 論唯由如是至真實報恩 演曰五明報如來等恩有二差別文中分二一說正法報

恩二修正行報恩此初也 論又由第二至未滿足
故 演曰二修正行報恩 論復次由三至依涅槃
界 演曰九釋三相行文中分四一標二列三釋四
結此初也 論一者先所至永離繫故 演曰二列
論先所生起至諸行永滅 演曰三釋文中分三一

瑜伽師地論義演卷第三十五 第廿張 素

釋先所生起諸行滅二釋自性滅壞諸行滅三釋一
切煩惱永離繫此初也 論自性滅壞至諸行永滅
演曰二釋自性滅壞諸行滅 論一切煩惱至後更
不生 演曰三釋一切煩惱永離繫 論是故由此

至說名寂滅

演日四結

論復次由三至無相解

脫門

演日十釋法摠等品三後廣文中分二初一

復次略明四法後二復次廣前四法初中分二一標

二釋此初也

論一切行無常至盟枕南

演日二

釋梵云盟枕南此云集施盟集義枕南施也集無常

等諸法要義施諸學者故云集施

論復次當知至

增上行欲

演日後二復次廣前四法文中分二一

明所治二辯能治初中分三第一番釋第二番釋第

三番釋初中分三二標二列三釋此初也

論一者

勝解至樂俱行欲

演日二列

論勝解俱行至而

生樂欲 演曰三釋文中今二釋勝解俱行欲二
釋意樂俱行欲此初也 論又於諸行至其心退還
演曰二釋意樂俱行欲文中分三一標二釋三結此
初也 論一者於中至樂勝解故 演曰二釋 論
與彼相違至樂俱行欲 演曰三結 論又由二緣
至其心退還 演曰第二番釋文中分二標二釋
此初也 論一由於此至念忘失故 演曰二釋
論又此忍欲至其心退還 演曰第三番釋 論復
次爲斷至多有所作 演曰二辯能治文中今二
標二釋此初也 論一者於諸至及調柔心 演曰

二釋文中分二摠二別此初也 論又發如是至
發生歡喜 演曰二別文中分二一釋了心二釋訓
柔心初中分三一標二列三釋此初也 論一者由

瑜伽師地論義演卷第三十五

素

補至自增上故 演曰二列 論補特伽羅至善說
法者 演曰三釋文中分三一釋補持伽羅增上二
釋法增上三釋自增上此初也 論法增上者至最
上深義 演曰二釋法增上 論自增上者至能隨
覺悟 演曰三釋自增上 論又發如是至謂有三
見 演曰二釋調柔心文中分三一標二列三釋此

初也 論一者若依至應所引發 演曰二列 論

依彼而轉至正見而轉 演曰三釋文中今三一釋

依彼而轉二釋由彼遍知三釋應所引發此初也

論由彼遍知至能遍了知 演曰二釋由彼遍知文

中分二二摠釋遍知二別釋三事此初也 論言三

事者至若如是取 演曰二別釋三事文中分二二摠

標列二別徵釋此初也 論此何所取至如前應知

演曰二別徵釋所取能取等並如前釋更不繁述

論云何應所引發 演曰三釋應所引發文中分二

一徵二釋此初也 論謂住於彼至不藉他緣 演曰

二釋文中分二初番釋後番釋此初也 論又若依
彼至方得出離 演日後番釋文中分二一釋三正
見轉時之義二結三正見轉時差別此初也 論當
知如是至有此差別 演日二結三正見轉時差別
論復次盟陀至品後廣 演日四有一頌釋惣中第
四速通門文中分二一以頌惣列二長行別釋此初
也 論爲欲證得至速疾通慧 演日二長行別釋
文中分十一釋速通二釋自體三釋智境界四釋流
轉五釋喜足行六釋順流七釋知斷相八釋想九釋
立違糧十釋師所作等品後廣初中分二一釋三種

力二釋五漸次初中分三一釋力能得通二釋智見

瑜伽師地論義演卷第三十五第卅

素字

差別三釋勤修善巧初中分三一標二列三釋此初

也 論一者智力至數習力 演曰二列 論智力

者至有學智見 演曰三釋文中分三一釋智力二

釋不放逸力三釋數習力此初也 論不放逸力至

惡不善法 演曰二釋不放逸力 論數習力者至

能盡諸漏 演曰三釋數習力 論問智見何差別

演曰二釋智見案別文中分二一問二答此初也

論答至此慧名智 演曰二答有十番釋有色余焰

者今焰即所緣義有色所緣影像爲緣此慧名見無
色所緣影像爲緣此慧名智 論彼由如是至四善
巧事 演曰三釋勤修善巧文中分二二結前生後
二正釋其義此初也 論一觀察事至四方便事
演曰二正釋其義文中分三二釋善巧事二釋所能
依三釋清淨道初中分二二列二釋此初也 論觀
察事者至一切境故 演曰二釋文中分四一釋觀
察事二釋捨取事三釋出受事四釋方便事此初也
論捨取事者至諸善法故 演曰二釋捨取事
論出受事者至乃至樂故 演曰三釋出受事 論

方便事者至正方便故 演曰四釋方便事 論如
是勤修至能依義 演曰二釋所能依文中分二
結前生後二釋所能依此初也 論所依義者至所
纏裏故 演曰二釋所能依 論又彼諸法至四種
差別 演曰三釋清淨道文中分二二標二釋此初
也 論一者習近至以爲異從 演曰二釋文中分
二一釋道差別二釋道清淨此初也 論又清淨者
至趣無學地 演曰二釋道清淨 論又爲得真至
五種漸次 演曰二釋五漸次文中分二一標二釋

此初也 論一者先集至相應學心 演曰二釋
論復次由五至皆悉無常 演曰二釋自體文中分
二標二釋此初也 論謂一切自體壽量有限
演曰二釋文中分五一釋壽量有限二釋從因所生
三釋興終歸滅四釋佛證宣說五釋受欲圓滿初中
分二標二釋此初也 論假使有人至欲持即持
演曰二釋文中分二一正舉二喻取捨自在二反顯
壽量剎那難停此初也 論非如所受至況乎久住
演曰二反顯壽量剎那難停 論又一切自體至是
無常故 演曰二釋從因所生 論又有自體至轉

輪王等

演曰三釋興終歸滅

論又由無倒至而

宣說故

演曰四釋佛證宣說

論復有三種至恒

常戲論

演曰五釋受欲圓滿文中分二初番釋後

番釋初中分三一標二徵三釋此初也

論何等爲

三 演曰二徵

論一資產圓滿至供養圓滿 演

曰三釋

論當知復有至圓滿差別

演曰後番釋

文中分二標二釋此初也

論謂施戒調伏至行

相轉故

演曰二釋

論復次當知至通達智行

演曰三釋智境界文中分三一明七種智行二斷十

五種愚三指廣說如前初中分二二標二釋此初也

論一已得智至速滅壞智 演曰二釋是處非有等
者謂遍計所執非有知此非有之智是處所餘等者
謂依圓二性不空知此不空之智 論又由十五至二
切行愚 演曰二斷十五種愚文中分三一標二徵三
釋此初也 論何等十五 演曰二徵 論謂水界
所生至方於幻事 演曰三釋謂水界所生者思飲
食味水所生故無我似我等者謂實非聚似聚顯現
能發起一有情解故不任隨欲等者生已即滅不堪
任隨欲而造作故如聚沫者速增減故如雲者謂諸

瑜伽師地論義演卷第三十五第卅二張

素字号

境界如地者所謂諸根彼生依故如雨者所謂諸識
喻若浮泡者所謂諸受速疾起謝不堅住故想同陽
焰者颺動性故無量種相變易生故今於所緣發顛
倒故令其境界極顯了故由此分別男女等相成差
別故薩迦耶見根本斷者謂我見根本斷也多品自
體因等者謂於五趣舉意攀緣種種自體衆苦因差
別故辟芭蕉柱者謂爲作者受者我見依四識住謂
色趣識住受趣識住想趣識住行趣識住論此廣分
別至異名分應知 演曰三指廣說如前 論復次
有二世閒攝一切行 演曰四釋流轉文中分三一

釋二世差別二釋五相流轉三釋五相所縛初中分
三一標二列三釋此初也 論一有情世閒二器世
閒演曰二列 論有情世閒至續不同分 演曰
三釋 論又於生死至流轉不息 演曰二釋五相
流轉文中分三一標二列三釋此初也 論一由愛
因至無窮盡故 演曰二列 論此中無明是名愛
因 演曰三釋文中分五釋愛因二釋愛果三釋愛自
性四釋因展轉五釋因展轉依止前際無窮盡故此初也
論能往善趣至強逼令去 演曰二釋愛果 論愛
自性者略有三種 演曰三釋愛自性文中分四一

標二列三攝四釋此初也

論一後有愛至喜樂愛

演日二列

論如是三愛至二者境愛

演日三攝

論後有愛者至所有貪愛

演日四釋

論當知此

中至名為流轉

演日四釋因展轉

論又於長世

至後無窮盡

演日五釋因展轉依止前際無窮盡

瑜伽師地論義演卷第三十五 勢卅三張

素字号

故論由是五相至五相所縛

演日三釋五相所縛

文中分三一標二列三釋此初也

論一於彼處至有

所領受

演日二列

論於彼處縛至而繫縛之

演日三釋文中分五一釋於彼處縛二釋由彼而縛

三釋正是能縛四釋依彼故縛五釋有所領受此初也
論由彼而縛至爲無明縛 演曰二釋由彼而
縛 論正是能縛至相似法故 演曰三釋正是能
縛 論依彼故縛至而被縛故 演曰四釋依彼故
縛 論有所領受至生等衆苦 演曰五釋有所領
受 論復次愚夫至是諸外道 演曰五釋喜行足
文中分四一標二徵三列四釋此初也 論何等爲
四 演曰二徵 論一於人身至有頂喜足 演曰三
列 論愚夫於彼至若坐若卧 演曰四釋文中分
二一釋喜足事二釋愛行路此初也 論復有五種

至愛所行路

演曰二釋愛行路文中分三一釋五

種愛所行路二釋四種愛所行路三釋二種遊愛行

路初中分三一標二列三釋此初也

論一者後有

至受用境界

演曰二列

論當知於彼至趨等差別

演曰三釋文中分二一正釋二通妨此初也問趨等但

有四法如何次第於後有等五有差別耶 論應知

此中至所求境界

演曰二通妨如文可解

論復

有四種愛所行路

演曰二釋四種愛所行路文中

分二一標二釋此初也

論一者意業至趨等差別

演曰二釋文中分二一正釋趨等二例釋餘法此初

也 論如說趨等至當知亦尔 演曰二例釋餘法
論復有二種至果相差別 演曰三釋二種遊愛行
路文中分三二標二列三釋此初也 論一心差別

瑜伽師地論義演卷第三十五第卅四張

素字号

二身差別 演曰二列 論心差別者至雜染差別
演曰三釋文中分二一釋心差別二釋身差別初中
分二一摠標列二別牒釋此初也 論品類差別至
助伴故 演曰二別牒釋文中分二一釋品類差別
二釋雜染差別此初也 論雜染差別至及隨煩惱
演曰二釋雜染差別 論身差別者亦有二種 演

日二釋身差別文中分三二標二列三釋此初也

論一種種身至身差別故 演日二列 論當知此

中至勤修觀行 演日三釋文中分二二釋雜染差

別爲二種身差別因二釋四種因差別故今果差別

此初也 論復由四種至今果差別 演日二釋四種

因差別故今果差別文中分三二標二列三釋此初也

論謂若於此至如此差別 演日二列 論於此差

別至所有差別 演日三釋文中分四一釋於此差

別二釋由此差別三釋即此差別四釋如此差別此

初也 論由此差別至今彼差別 演日二釋由此

差別 論即此差別至種種差別 演曰三釋即此

差別 論如此差別至種種差別 演曰四釋如此

差別 論復次不能至而被漂溺 演曰六釋順流

文中分二一釋順流二釋逆流初中分三一標二列

三釋此初也 論謂若於此至諸所有相 演曰二

列 論於此漂溺至俱被漂溺 演曰三釋文中分

五一釋於此漂溺二釋由此漂溺三釋依此漂溺四

釋如此漂溺五釋漂溺時諸所有相此初也 論由

此漂溺至亂身心故 演曰二釋由此漂溺 論依

此漂溺至順流漂溺 演曰三釋依此漂溺 論如

此漂溺至及我所故 演曰四釋 如此漂溺謂於諸

瑜伽師地論義演卷第三十五 第廿五張

素字号

行者謂於色等五種諸行隨其次第不如實知或
計爲我及我所故 論於漂溺時至如爲漂溺 演
曰五釋漂溺時諸所有相 論與此相違至逆流行
者 演曰二釋逆流文中分二一釋逆流行者二釋
聰慧者相此初也 論又聰慧者至諸聰慧相 演
曰二釋聰慧者相文中分三一標二釋三結此初也
論謂成就俱生至非時死緣 演曰二釋十種相如
文 論如是十種至諸聰慧相 演曰三結 論復

次於諸至三相差別 演曰七釋知斷相文中分二
一釋三相差別二釋三種勝利初中分三一標二釋
三結此初也 論謂於諸行至至差別之相 演曰二
釋 論如是已斷至差別之相 演曰三結 論當
知復有三種勝利 演曰二釋三種勝利文中分二
一標二釋此初也 論一者永斷至極安樂住 演
曰二釋 論復次由四至無常苦想 演曰八釋想
文中分四一標二徵三列四釋此初也 論何等爲
四 演曰二徵 論一果差別至方便差別故 演曰
三列 論果差別至上分結盡 演曰四釋文中分

四一釋果差別二釋自性差別三釋品類差別四釋
方便差別此初也 論自性差別至及與善發 演
日二釋自性差別 論品類差別至增上故得 演
日三釋品類差別 論方便差別至二種皆具 演
日四釋方便差別 論復次爲住至違資糧法 演
日九釋立違糧文中分二一釋五種違資糧法二釋
五種順資糧法初中分三一標二釋三結此初也
論一者憶念至正法加行 演日二釋 論如是五
種違資糧法 演日三結 論復有五種隨順彼法

演曰二釋五種順資糧法文中分二二釋菩薩順資
糧法二釋聲聞順資糧法初中分三一標二釋三結
此初也 論一者於二至善法究竟 演曰二釋
論與上相違至彼隨順法 演曰三結 論又諸聲
聞至正道言教 演曰二釋聲聞順資糧法文中分
三一標二釋三結此初也 論一者由依至無惑無
疑 演曰二釋文中分二二釋前三種正道言教二釋
後二種正道言教初中分三一釋由依觀察等二釋
即於住時等三釋教授爲先等此初也 論二者即
於至不正尋思 演曰二釋即於住時等文中分三

一標二徵三釋此初也 論何等三事 演日二徵

論一者資命至不同分法 演日三釋 論三者教授

至正道言教 演日三釋教授爲先等 論復有二

種至正道言教 演日二釋後二種正道言教文中

分三二標二釋三結此初也 論謂諸有智至是名第二

演日二釋 論彼由如是至終無毀失 演日三結

論復次大師至師所作事 演日十釋師所作等品

後廣文中分二初一復次略釋師所作事後十五復

次廣釋師所作事初中分二二標二釋此初也 論

一者正折伏至正說清淨 演日二釋 論復次由

二至律相應故 演日後十五復次廣釋師所作事文中分六一記別驅擯對二行乞入住對三攝衆天往對四初信後悔對五師說資往對六訶犯治邪對初中分二一記別二驅擯此初也覆相記別彼所諍事者一恐擾亂更增廣故二與律相應故如淨名經云自守戒行不譏彼闕以菩薩戒真心爲體但有分別妄念皆違淨戒況譏毀他人寧不犯戒今明覆相記別彼所諍事與律意同故云相應 論復次由七至未來過故 演曰二驅擯 論復次由十至爲惱害

故 演曰二行乞入住對文中分二一行乞二入住此
初也 論復次由八至作言詞故 演曰二入住
論復次由五至擯攝受故 演曰三攝衆天往對文
中分二一攝衆二天往此初也 論復次由七至今赴
會故 演曰二天往 論復次由五至具出家故
演曰四初信後悔對文中分二一初信二後悔此初
也 論復次由三至家增上故 演曰二後悔 論
復次如來至如龍爲王 演曰五師說資往對文中
分二一師說二資往此初也 論復次犯戒至爲增上
處 演曰二資往 論復次由三至行非法行 演曰

六訶犯治邪對文中分二訶犯二治邪此初也 論
復次於善說至一切邪行 演曰二治邪文中分二
初三復次辯所治之邪後一復次明能治之行初中
分三初復次中復次後復次初中分三一標二列三
釋此初也 論一者現行至依止過失故 演曰二
列 論現行過失至住惡不捨 演曰三釋文中分
六二釋現行過失二釋意樂過失三釋加行過失四
釋智慧過失五釋尋伺過失六釋依止過失此初也
論意樂過失至最爲下劣 演曰二釋意樂過失
論加行過失至精進慢緩 演曰三釋加行過失

論智慧過失至心不寂定

演曰四釋智慧過失

論尋伺過失至其心錯亂

演曰五釋尋伺過失

論依止過失至俱生小慧

演曰六釋依止過失

論復次由四至而行邪行

演曰中復次文分爲三

一揔標舉數二依標別釋三結成前過此初也 論

瑜伽師地論義演卷第三十五第三十八張

素字號

一由微劣至加迫切故

演曰二依標別釋

論若

行如是至自義稽留 演曰三結成前過

論復次

如是至諸不正想

演曰後復次文中分二二標二釋

此初也

論其三事者至多隨伺察

演曰二釋其三

事如前論云一若所取二若能取三若如是取 論復
次爲斷至二種對治 演曰後一復次明能治之行
文中分二揔標舉數二依標別釋此初也 論一
者爲斷至不猛利者 演曰二依標別釋文中分二
一釋對治因二釋對治果此初也二行者一無顛倒
行二無數數行 論此猛利欲至諸外道故 演曰
二釋對治果文中分二一標二釋此初也 論有大
果者至妙甘露門 演曰二釋文中分二一釋大果
二釋不共初中分二一標二釋此初也 論所謂斷
界至一切皆得 演曰二釋斷界及無欲界者釋前

二界也若有餘依及無餘依者釋前妙甘露門也
論言不共者至諸外道無
演曰二釋不共文中分
三標二徵三釋此初也
論何以故
演曰二徵
論由彼外道至其心退
演曰三釋文中分二
釋無相定諸外道無二釋無相定唯內法有此初
也
論住內法者至而般涅槃
演曰二釋無相定
唯內道有

瑜伽師地論義演卷第三十五